

衡陽縣志卷第十一

貨殖第十

昔杜大禹任土作貢荆及衡陽厥賦上下其貢金三品
杫榦栝柏厲底斝丹羽毛齒革然衡陽之域廣矣杜佑
作通典載衡陽之貢麩金十五兩

皇朝之書言衡州土產有蓮實煙草酒方土之產不必
珍異然而先土重焉者所以驗民俗來工商通有餘補
不足抑田賦之次也史傳所記爲利病於衡陽者鹽錢
爲大其通於他境者材木稻米由今封域驗之米出境
者減於湘潭十之七山林日闕無百年之木而土物亦

同治十一年刊

貨殖一

衡陽縣志

卷十一

以時好爲多寡盛衰故述近歲之物利最大者以爲謀
國富疆之資焉 鹽法分地爲官私自唐以前無之蓋
始於十國割據成於趙宋宋代有三司條例發轉運使
各矜其私故歧而裂之元豐初劉摯監衡州鹽倉民始
得善鹽由官禁尙嚴而行濫強讎之也當是時蹇周輔
爲三司度支副使始請運廣鹽數百萬石分郴道諸州
復增淮鹽配之潭衡湘中愁困元順帝末年江淮淪陷
湖廣行省平章也兒速吉通海北鹽於衡寶權稅資軍
湖湘號爲富疆明隆慶時劉堯誨督兩廣自以衡人習
衡俗奏欲通粵鹽便其鄉遂定例官運買鹽廣西通於

衡永寶慶以佐兵餉迄

國朝順治十八年食粵鹽者數十年而衡陽大病之康熙初縣民周思學等詣

闕言粵鹽本重鹽惡商疲民困人苦淡食吏費敲朴缺額虧課追呼甚虐請之督撫戶部無所控告上瀆

宸聽乃沛

恩詔改食淮引人情翕然覽舊志之所言每殷殷於淮綱避粵如讎以爲大憂迄今縣民驟語以祖父之深慮粵引之爲害未有不駭且笑者也以余所聞見自道光以來粵鹽通行雖官有淮引典之通判特以名而已城

同治十一年刊

貨殖二

衡陽縣志
卷十一

鄉數十萬口何莫非粵鹽之所食淮課不登又亦久矣初嘉慶二十一年定衡陽縣額銷淮引四千二百有七咸豐初軍興淮運路絕湖南惟恃川粵私販以濟民食巡撫以權宜不設鹽課別權其稅號曰鹽釐立局府城歲可得錢數十萬緡而私擔負逾越無稅者殆以萬計同治初江淮大定始復淮引衡陽在引地中是時改綱爲票招商自運官設淮鹽局爲之督銷於是府城復委官士申明官私欲阻粵鹽倍其商征一石至權錢七百以懲來者令初下咸知其不行姑以文具奉之已而擔負者皆越犯險阻散之各鄉淮鹽積滯後止不前督銷

淮引者自買私鹽而食之而舊榷鹽釐十減八九徒失其利鹽政埽地盡矣當康熙初民求改淮引未三十年復以淮鹽價高爲民病巡撫趙申喬循吏也爲定價比長沙每引增銀二分有奇未幾縣民王崇善復請由漢口改包自運明年巡撫又定令每月縣令具鹽價朔朏再報以抑淮商而其時州縣官以缺課下考者相繼甚矣哉官鹽之爲民病也由前則粵鹽至而民愁由後則淮引絕而國富衡陽之鹽其利病不常較然若此其甚也小民不知其由行粵引則思淮行淮引則思粵耳自咸豐以來民食粵私鹽擔運至苦而人人趨利榷稅屢

同治十一年刊

貨殖三

衡陽縣志
卷十一

增其鹽價屢貴屢賤每石錢不能出四五千烏覩所謂淡食者乎淮引至衡商家收利不敵其所費每鹽斤反減於成本數錢而淮商利行之者重遏衡州則長沙無粵私權其緩急扞必爭也駟儉且猶知此而今之督銷欲收淮利於衡州不亦謬乎民日買鹽而官坐失其利其敝則嚴**刑**苛罰以求足課而舊志徒防慮於通粵亦未爲知本也故曰鹽漕河兵非政之經茶馬錢法不扞令甲國乃不乏宋代錢監扞衡州者今常甯茆源口也以通桂陽之銅衡陽縣地無產銅之山民間市易多用夷錢易銅錢錢有市有餉近歲通用餉錢率精好勝

於列縣 酒者古今以配粒食而近世論治者患其耗米粟自咸豐以來巡撫每至輒下令禁酒民間固若不聞之衡陽擅酒名久矣自漢傳酈湖水可釀晉孝武以之薦太廟宋武帝以酈酒遺長孫嵩魏太武南侵惟進酈酒酈酒者彰灼史傳取重夷狄幾三千年明代乃有紹酒今通海內然衡酒名不廢廣西四川猶重之縣人待賓客犒工作莫先於酒率一人食一升米酒亦一升米其餽遺沽貫及運鬻他境者百里之內歲費穀千萬石官民莫能收酒利商賈麇肆恃販釀爲食者殆萬人豆乳亦多於列縣或以膏煎賣之爲貧者之上肴計磨

同治十一年刊

貨殖四

衡陽縣志
卷十一

豆歲亦數百萬石豆種早者拖泥豆禾盛時種之穫稻則踐豆苗入泥已而勃發矣其種賤漿少價減於諸豆若已刈稻於稻本種者曰禾根豆六十日而穫皆不費地利人力二豆歲收比稻穀可十分之四然不能佐糧也亦惟近城三四十里乃有之西鄉山谷閒亦不能就田種之也豆貴於穀倍蓰當四五月一斗豆易一斗米民猶靳之 縣有蓮實之稅官設局久矣道光已前蓮實每斤不過百錢軍興或至三百農民爭廢田植藕貧薄之戶積穀愈少凡種藕尤務肥沃田率三歲一休陂唐之植其實長瘠斗輕一二斤故田蓮爲上最上者曰

杉橋子次西鄉次南鄉南鄉清泉地也杉橋亦杜西鄉以美種得別爲名稻田初植蕩結實平滿二歲而銳三歲而空歲多電則蓮少實衡陽歲收蓮實有稅者六千餘萬斤斤二百錢值錢一千二百萬千其餽遺自食者不杜此數春蕩作粉佳者色紅碧十斤蕩澄粉裁數兩斤亦至二百錢然比蓮實少矣鳧茈自衡山已南初無之近歲大盛歲收亦數千萬斤其地不必盡肥澗洫溝谿處處可種斤率七八錢利亦至數萬金 燒石作灰古者蜃炭之用也亦以糞田二月初開石礦小舟集運之雖所杜多有道山橋爲盛歲亦數萬金承水通舟下

同治十一年刊

貨殖五

衡陽縣志卷十一

水載石灰上運則石炭他貨稀矣石炭耒陽專其產縣地雖有未百一也亦多不中燒 金蘭長樂當乾隆時猶多深林穹谷舊擅竹木之利康熙中劉重偉買田杉山其地巖谷深阻豺虎居其中人以爲荒山重偉兄弟刊木通道伐大木數千章多七八圍未半粥已足償田價于是坐致稅利爲萬金之家至嘉慶時子孫田至萬畝其餘諸山異木名材猶不可勝用自道光已來百里之境四望童山鄉人市木材至從城中逆挽而上惟漚竹作帑猶歲有所利凡產竹杜長樂及靈川金阮山中伐竹浸池中造低槽帑及油帑爲竹筴供民間常用歲

貨數萬金靈川富饒次于長樂竹利歲可萬金麻三四千金而田賦畝二升巡撫趙申喬以丈田親履其地減其田稅故至今民庶樂業由趙公也 煙艸自明季海內通買社壇衡煙社壇城北舊壇地也山西陝西大商以煙艸爲貨者有九堂十三號每堂資本出入歲十餘萬金號大於堂兼通領外爲飛鈔交子皆總於衡煙四方求煙艸者得真衡產一藝而辨種煙艸者相望近五六十載福建所產盛行衡煙益絀凡堂號皆失業先去無一存者其館爲團局矣種煙艸者雖有而稀復捆載出境不知其所由盛衰也自后稷奏根食種百穀百蔬

同治十一年刊

貨殖六

衡陽縣志
卷十一

至漢有茶茗及明有煙艸煙之爲用尤與茶異而公私金錢以之聚散迄今有西夷煙膏啟兵糜財爲國大蠹天地之生艸木其利害至於此邪其神農后稷所不能料者邪 牙行賤業也而黃代賓設之全州漢口估客將歸計財貨謬算而誤銀三千客主弗覺也既去司計者進賀曰天賜主人金代賓怫然趣亟還之眾曰商賈所爭錐刀也與爲義不如勿謀利矣代賓曰不然苟吾所宜有雖一錢誠不可讓苟損人以肥己寇盜之行而何以爲商卒還之遠近聞義至全州者必主黃氏遂爲富人始長沙未設巡撫布政使時商賈皆主衡州以通

廣西書坊墨棧皆以長沙爲子店至今仍之其他百物
眾工日彫耗矣軍興稅釐金盛時不過卅萬粵鹽居其
大半今乃十餘萬**百**舊工作尤名者兩儀帽方谷煙桿
時茂鍼以兩儀方谷**牘**門者殆數十家兩儀帽今猶歲
貨萬金南門城街行者摩肩塞途可謂**鯨**庾而城內無
萬金之家鄉市大者北樟木西洪落求者取足焉自臺
源東諸市肆多墟集也承水出金沙聚湖山饒香艸金
蘭鄉以此名自餘物產多兼湘領之種 劉漢典者縣
人也業操舟初衡陽無晚稻承水春夏善漲瀕岸民田
多潦而山田苦旱穀食恆不足乾隆中漢典挽舟夔巫

同治十一年刊

貨殖七

衡陽縣志
卷十一

見霜中稻青青收種以歸散諸其鄉至今賴其利每薦
新穀耆老必尸祝劉翁王夫之曰宋仁宗取占城稻種
入中國東南賴其利江湖祀稷者桃有郃而祀宋主可
也夫之鄉人故患饑若此之切若漢典者其亦衡陽之
先嗇乎夫甘食美衣安俗樂業此至治之務也衡陽居
湘桂之間無湘之靡無桂之儉歲度所入足以自給民
居聚族恃穀爲富租稅務早官吏不勞**罕**復機利遯末
馳驚乾**沒**習俗孺染重去其鄉故亦無巨萬之家